

鼇

峰

集

黿峰集卷之二十二

閩郡徐勗興公著

五言絕句

送陳平夫歸箬波別業

孤峰一片月流影
送君歸自返清溪
曲寒燈夕掩扉

山行

草生山徑斷馬路
板橋西日夕牛羊
下西風吹蒺藜

夜泛

入夜解行舟，淒風吹短髮。
乘醉倚征蓬，空江漾明月。

夜泊

刺舟江之南，夜向蘆花泊。
遊子忽斷腸，猿聲雲際落。

征婦怨

夫婿久從征，西風寒絡索。
惆悵立空階，飛螢點羅幕。

蠶婦吟

九月寒風起村村桑葉稀可憐霜至夜蠶婦尚
無衣

太湖早秋

白露寒欹枕秋聲樹樹過一揮孤客泪欲漲太
湖波

江行雜咏

鳥雀亂斜陽滄波漾釣航夢迴人不見漁笛一
聲長

碧水連青草
蒼山帶紫霞
紅裙綠髻女
采采白蘋花

飲萬竹亭

叢篁翳綠陰
置酒叢篁下
倏然風雨生
如在瀟湘夜

魏宮詞

歲歲文石宮
春風吹羅綺
君恩空說深
那似漳河水

腸斷延秋殿
稀聞御輦來
不緣恩意淺
日日上

高臺

日夕侍君王深宮學歌唱一旦上陵臺悲風生
總帳

幾年金屋裏輦路漸蒼苔莫惟承恩少新人有
夜來

初夏宋永延陳伯孺倪柯古過集各賦全
中八物

枯木屈如楂置此孤齋畔不比博望侯乘之上

天漢

右陸楂

本不佞佛教元非能道裴香火虔供祀朝朝拜

素王

右孔像

巍巍暢亭峰參差亂雲樹無人跨崔歸對之長

涕泗

右暢亭圖

龍孫初出土雨後森如戟傳語佳客來林邊避

吟屐

右新筍

溪墨寫湘魂青樓醺銀管零落兩三枝芳馨疑

九畹

右薛素畫蘭

何處產蒼筤迢迢來蜀道逝將與此君逍遙以

終老

右玉竹村

我家無舊物留得一壇存却笑宵人拙更深空

到門

右青龍

叢生本百莖五十藏諸櫝太筮果有常不比君

平

右耆山

客粵憶秋日山園花木

木末艷嬌姿朝昏顏色變不識枝上容何如鏡

中面

醉芙蓉

家園種木奴霜深有佳色朱實南中榮欲懷歸

不得

朱橘

朱花間青葉
嬈嬈映羅幃
美色誰相妬
紅妝襯

綠衣

美人蕉

澹澹秋光晚
黃花撲酒香
故園兄弟在
爲客負

重陽

菊

寒花蒔半畦
秋深開爛熳
獨客遠思歸
愁腸幾

迴斷

秋海棠

品得三湘異
香聞九畹深
清言成臭味
千里憶

同心

蘭

移種來西蜀清幽自絕塵丹心思向日恨不遇

陽春

秋葵

金粟離離影西風冉冉香庭前曾手植先得一

枝芳

挂

素色媚秋容嫩蕊明如玉憶遠想清歌月中敲

砌竹

玉簪

霜深葉葉紅刷羽戰西風思爾傳芳訊飛來五

嶺東

鴈來紅

過能仁寺

禪關閉白雲曲徑生青草山僧入定深門外松
花老

客中除夕聞鐘

一歲殘更裏孤鐘愴客情枕邊須細聽已是隔
年聲

爲客當今夕鐘殘歲亦終可憐腸斷處一百八
聲中

春日過少文殯宮

每過西郊路難禁涕泪零墳邊青草色又見

回青

送遠吟

妾有淚一掬別郎忍不出若酒向江波郎舟流
更速

玩初月

天邊飛破鏡微暈半生寒從今光彩好莫作已
殘看

新嫁娘

與郎兄未熟郎言羞應聲迴眸掩羅帳東風無

限情

題美人百花畫裙

但拖湘水碧不許北風吹揭地香塵起雙雙蛺蝶隨

丹青圖白練異卉奪春工百般生艷色不但石榴紅

夜宿黃連村

夜宿黃連村殘燈聽微雨獨客問村名愁心倍添苦

追懷武夷四先生

朱元晦

荒祠枕碧溪
樞衣拜遺像
冷月照精靈
疑聞棹歌響

陳虛白

虛白不可逢
蒼山鬼空歎
何年跨鶴來
指點規中妙

白玉蟾

步讀指玄篇
長懷葛仙子
因之憶吾家
空中白

雲起

杜伯原

平川水竹居抗志成高逸墟里寂無人江山自
清碧

爲王永啟題景姬小像

丹青圖玉貌不似畫崔徽欲寫驚鴻態令人識
洛妃

窈窕比芳姿輕盈畫中見情好屬王珉故捉白
團扇

題王永啟扇頭畫石

綽窻如靈璧玲瓏比鬱林玄然太古色可以喻
交心

瓊河發舟夜半至鼓崎與吳非熊謝伯元

曹能始林茂之拈險韻十字因而成咏

暮色收平野秋容媚晚江萬山青不斷疊疊歷
舡窓

扁舟乘月移高峰入雲插臨水復登山勝情俱
不乏

溪灣幾十轉勝友兩三偕未卽探丘壑應先渡
水涯

美酒醉新豐嘉魚焚縮項簫鼓咽中流轉入蘆
花港

南浦烟如織西山日半銜村在幾家住茅屋隔
松杉

落葉自蕭蕭密林何黯黯月影墜寒波中宵照
孤艫

石鼓山如黛瓊河水似藍來遊三十度江路夜

能諳

漁火照江村雞聲啼樹杪何處榜歌來枕邊聞
最巧

青山圍故國懷古恨重添烟波杳何極麥秀自
漸漸

遙望古寺門楓林色如絳我有天台藤層厓任
升降

度大鱗嶺

石稜如馬蔭路勢似羊腸度嶺日未午下山將

夕陽

路狹不容憶，磴高偏礙跌。萬山青絡繹，何處是天都。

曉發臨漳，因訪林德芬，淹留半刻，季聲先度盤陀嶺，追趣不及。

出郭淹留久，征車惜暫分。憐君度關早，先看嶺頭雲。

雲居山聖水寺觀中峰禪師麻鞋

長一尺六寸

禪師生淨土，雲掩寺門寒。留得雙鞋在，聊當佳話看。

履看

蕩滂園十二咏爲林熙王題

塞芳閣

畫閣倚芳洲西風吹宿莽青青手自寒泠然發
清響

受影池

鑒池半畝餘名花間紅紫靜夜月明中清影在
寒水

紅雲徑

陳紫與宋香側生臨野岬朱顙啄山禽紅雲遍
零亂

蘋花東港

港水流向東森與西塍隔明月初吐山直射蘋
花白

蘋花西港

江岬別分支西受江天濶朝來爽氣清金風動
蘋末

檉陰小約

河柳密舒條危橋柳陰底扶藜納晚涼蟬聲綠
烟裏

明霞障

斫竹編作籬團團繞花樹一片錦成霞何如紫
絲步

藥畦

無事檢方書選地種靈藥曉起採盈筐香風透
林薄

蔬圃

春初剪早韭秋未飲晚菰清齋堪作供佞佛果
周顒

菖陽渚

浦溆轉縈紆新蒲亂如織靈根閱歲華居山宜
服食

隱鶴陂

臯禽雙在野踏破徑苔青童子陂前過時時恰
斷翎

湧潮門

海水遠通江江潮達脩渚長日啟松門問看自
來去

題畫雙筍

一雙初出林籜龍乍驚起苦節更誰如孤竹君
二子

題畫石

惟石列三品嶽峯各有態片片含雲烟欲下元
章拜

題王美人画蘭帳

楚澤初遺佩香從綺閣聞同心何處結夜夜夢
湘君

徐橋小憩

山行未覺遙繫馬橋之曲地似漢時秋不見人
如玉

樟樹鎮

人烟雄古鎮江樹隱斜陽隔水微風過家家晒
藥香

題香泉十二景

昔樂天守杭郡於靈隱寺前得冷泉而奇之
自爲亭記冷泉之名甲於千古張維誠令長
溪時出郭尋香泉而樂之又於泉之前後一
一品題括爲十二景亦自爲志長溪名勝由
是因令君重矣君杭人也肯以冷泉遜香泉
耶予賦詩以美之

香泉流羽

山泉清可掬別坐羽觴傳暮春脩禊事卽是永
和年

玄石題詩

鬼斧幻神奇何年剗蒼壁題咏蝕荒苔依稀同
鳥跡

異婚凌雲

東南雄宰堵涌地卓孤標遠見毫光起依微逼
斗杓

溪橋步月

虹梁橫螭蛭積石響溪聲夜靜遊人度行歌踏
月明

天馬松風

謖謖松下風
虬龍蟠翠影
企脚納新涼
誰是陶弘景

秦源梅雨

秦源本東注
砥柱障狂瀾
梅雨添新漲
平鋪白練看

海閩雄壘

閩爲令君所築

溪山雄古壘
控海扼襟喉
名姓千秋後
爭傳博望侯

峰菴古蹟

名山號天馬蹠蹠若行空萬籟中宵寂鐘聲出
梵宮

亭瀕全都

絕頂危亭跨迴看萬嶺低雙流環似帶邑是古
長溪

舟迴二水

西溪瑩如玉一派滙雙流舴艋停烟渚渾疑白
鷺洲

下池晚陰

蒙泉瀦下坎
樹飲頗生香
偶泛飛花片
芳馨更倍常

先路秋香

秋香亭北路
桂樹影離披
卻說從茲過
西風折一枝

龍峰集卷之二十三

閩郡徐燭與公著

六言絕句

題畫

林間紅葉黃葉山下青苔綠苔石泉穿澗自響
草閣臨溪半開

題四景山水

萬壑雲光乍斂半村柳葉初齊挂衲僧歸林杪
扶筇客過橋西

日照桐陰蒲地風吹荷氣盈庭苔褥茸茸可坐
松濤謾謾堪聽

籬下荳花浥露林邊柏葉含霜稗子蒸藜矮屋
漁翁把釣孤航

衆壑堅冰結凍千山朔雪生寒驢背微吟鄭綮
窓中高卧袁安

田家

竹園三里五里茅屋一楹兩楹不聽提壺勸飲
但聞布穀催耕

述懷

楊子宅惟一區長卿家徒四壁閒看倦鳥投林
醉歌老驥伏櫪

維摩病中說法虞卿愁裏著書但使簞歌可樂
寧知儋石無儲

漁父詞

水上蘭橈桂楫雨中箬笠蓑衣白白江魚入饌
飛飛沙鳥忘機

鼇峰集卷之二十四

閩郡徐勵與公著

七言絕句

送人之燕

客散離亭落日殘
蕭蕭易水北風寒
勸君今日休辭醉
萬里煙波正渺漫

題月公房

隱隱疎鐘出洞聞
洞前蘿薜自成文
山僧年老無他事
但向青山管白雲

過魯文表故居

冶山猿鳥哭黃昏故宅經過欲斷魂
獨恨人琴俱不見空餘青草閉閒門

風流人去事應非漠漠寒雲冷釣磯
三徑春深倍惆悵一番風雨杏花飛

江上聞笛

半夜遙聞短笛聲荻蘆深處一舟橫
相逢王客渾無語吹徹梅花月滿城

漢宮春曉詞

煙散瑤階旭日晴風吹永巷露華清長門初落
簾初捲枝上黃鸝喚一聲

春明乘曉試新粧玉輦金輿出建章二十六宮
都望幸車聲先已向昭陽

咏雙美人吹簫

綺窗遙夜月華明湘竹齊吹作鳳鳴微啓朱唇
調玉指兩般幽怨一般聲

送王少文蘖葬西郊

一去黃泉路不通白楊時動隴頭風從今再過

西郊道荒草無情長殯宮

東庄晚眺

空林欲暝亂啼鴉煙磬聲中落晚霞一道微風
生石徑隔離童子掃松花

三月晦日送人之安南

落花飛絮委東流春色行人總不畱却恨春風
已歸去豈能吹夢到交州

遊仙曲

身上綃衣映日紅手携長劍斬青虹霞觴一飲

化爲碧龍頭那得草青青

古戰場

衰草殘雲古戰場腥風吹血濺衣裳塵沙一望
三千里惟見馬頭斜日黃

樂遊原

荒原渺渺樹層層立馬斜陽問廢興何處銷沉
生感慨秦時遺殿漢諸陵

苧羅村

一帶清溪夕照斜妖姬曾此浣春紗嬌歌艷舞

今何在流水茫茫送落花

陳宮

秦淮迢迢水煙涵
鎮孤城鎖夕嵐
莫笑庭花易亡國
居人又聽望江南

寄遠

天末西風更北風
高樓明月恨難窮
窮無端又作思君夢
盡在高樓明月中

夜雨寄北

妾在深閨君別離
淚痕如雨雨如絲
枕前紅淚

窗前雨暮暮朝朝無盡時

漢江

千頃寒江澹夕暉一天秋色遠依微明珠不見
人何在漢水茫茫空二妃

重過洪江懷王少文

去年送我碧江頭我自傷心君自愁今日重來
君不見西風搖落水東流

冬夜觀微上人見訪

竹風蕭瑟室如水照佛堂前明滅燈夜靜隔籬

三
金
下
子
聞犬吠梅花影裏日南僧

與微師夜坐

佛燈無燄佛香殘
讀罷楞伽夜已闌
跌坐蒲團心似水
竹中風雨磬聲寒

送郭五之邊

江上離尊惜解携
送君遙指玉門西
沙場亂後人煙少
風雪瀟瀟塞馬嘶

橫戈萬里遠從軍
羌笛胡笳夜夜聞
想到邊城回首處
馬頭殘月隴頭雲

懷王震甫客蜀

爲客經年去路遥
哀猿聲裏度昏朝
獨憐此地懷人夢
夢到成都萬里橋

酒店逢故人

旅店相逢日未斜
不堪爲客共天涯
尊前何必傷離別
人是同鄉醉是家

月夜宿面壁洞

古洞無塵掩薜蘿
洞門惟許野僧過
夜深法磬聲初定
滿地松花月影多

送鄭先生之漢陽

垂老無家別故鄉，薄遊千里只空囊。
楚江風浪孤身客，何日飄零到漢陽。

少季行

朝入平康暮酒樓，千金寶劍百金裘。
醉來走馬長安道，不暫停鞭避五侯。

漢宮怨

舞袖翩翩別樣裁，十季篋裏不曾開。
可憐自閉長門後，未對春風舞一回。

晉宮怨

承歡貴嬪殿西頭寥落深宮夜夜愁不見羊車
聲入戶空聞鐘起景陽樓

梁宮怨

結束新粧侍禁門朝朝空自望承恩君王不是
輕顏色已斷人間愛慾根

唐宮怨

殿前舞袖試新羅學得霓裳一曲歌不是淚粧
施素粉由來幽怨淚痕多

采蓮曲

郎解清歌妾解謳涉江同泛木蘭舟蓮花好采
郎休采恐采花多傷並頭

江上風來江外香荷花如面葉如裳迴船忽見
郎船過只采荷花不采郎

蘇李泣別圖

降虜曾遺漢國羞少卿當日豈無謀因思祖父
功如許白首含冤不得侯

題美人孤鳳圖

掩袂含顰獨自愁孤飛丹鳳竹梧秋日長何事
花間望莫是蕭郎去遠遊

飲花下有贈

重重花壓曲欄斜杯裏香醪樹上花莫把交情
比花落好風吹去入誰家

少季子

百萬從傾六博場十千一醉大堤倡揮鞭忽見
桑間女猶把黃金買路傍

詠古鏡

匣裏菱花幾百秋
幾歸粧閣幾青樓
不知一片嬋娟影
照盡人間幾白頭

寄家兄書

弟兄南北隔關河
貧病侵人歲月過
莫謂異鄉愁作客
在家愁比異鄉多
季荒八口苦饑寒
門戶支持事事難
藥債未還官稅迫
封題空自說平安

余宗漢得楚姬戲贈四絕

繡幃羅帳護香溫
雲雨朝昏鎖夢魂
莫道眉與石城

山一色自言生長莫愁村

霧縠雲鬟別樣新逍遙長對漢江濱掌中若有明珠在定是當年解佩人

總爲多情憐宋玉肯辭鄂北出湘南故鄉本在陽臺下不怕行雲事未諳

六幅裙拖湘水迳九嶷山比黛痕描只因嫁得萊蕪令不待休糧學細腰

姮娥奔月

誰把紅顏誤此身廣寒宮裏絕纖塵一從偷得

延季藥難望他生下嫁人

洛神凌波

洛浦佳人拾翠來
丰神容與重遲回
一雙羅襪凌波去
何似陳王七步才

樂昌分鏡

一片菱花兩處愁
每看光彩淚雙流
自從離亂添憔悴
不照紅顏照白頭

阿嬌金屋

金屋荒涼鎖翠苔
長門空閉不曾開
縱然詞賦

金堪買亦是當季屋裏來

神女行雲

巫山十二勢嶙峋行雨行雲夢裏身恁底離宮
三十六一時愁殺細腰人

麗華出井

傾國佳人字麗華嬌歌應擅後庭花當季不洒
脂胭血定上迷樓任意車

武靈白花

滿樹楊花一夜風忽飛西去忽飛東春風自是

無情物不送楊花返故宮

明君出塞

滿面胡沙滿面塵間關萬里爲和親漢家不忍
忘甥舅故出宮中第一人

昭儀春浴

萱蔻溫湯卸錦衾肌無軫粟更聞馨恩深不用
求詞賦何必君王百餅金

飛燕掌舞

七寶臺前舞袖長掌中嬌態奉君王可憐長信

深宮裏紈扇新題一夜涼

得惟和秣陵書

見說風帆出石頭遠書遙寄鴈來秋不知此地
開緘日又過天涯何處州

賦得楊柳枝代人寄遠

腰肢輕似柳枝輕眉黛青如柳帶青惟有柳花
和柳絮與郎蹤跡共飄零

寄盧子明二首

名姓中原十載聞風塵南北一江分夢魂幾度

隨明月照入瓊花卽見君

蕪城花月柳塘煙此際思君倍黯然他日楊州
騎白鶴相尋二十四橋邊

戲馬臺

荒臺不見舊花驄莫笑英雄霸業空試向沛宮
高處望也無鷄犬在新豐

掛劍臺

寶劍曾懸墓樹林無言然諾重千金白楊老盡
殘枝在三尺芙蓉一片心

題雙文小像

花下當季待玉人丹青今日寫嬌嗔若非憔悴
添消瘦貌出輝媚更有神

春宮怨

慘淡韶光損玉顏君王未識鬢先斑班妃何必
題秋扇縱對春風也是閒

羽林郎

新淬鸚膏一劒霜權奇良馬紫絲韁錦街十二
閒游冶拋落金丸滿地黃

題薛洪度像

玉壘山前錦水湄
文箋五色巧題詩
莫嗔詞客
紛停筆
還有丹青爲掃眉

田將軍席上戲贈歌者

年少傾城說子都
出身曾是霍家奴
不知末路
行難得
更向尊前唱鷓鴣

武夷雜咏十首

幔亭峰

奏罷人間曲
可哀仙家零落紫霞杯
若逢結幔

重開宴我是曾孫依舊來

玉女峰

仙宮煙鎖鏡臺昏瑤草青青抹黛痕三十六峰
秋雨過半空翻倒洗頭盆

仙船巖

枯棹千季架石頭風吹難動水難流却憐浮世
風波客來往身如不繫舟

換骨岩

何人蛻骨寄岩間曾是山中煉九還若使當季

仙不學依然孤塚北邙山

粧鏡臺

粧鏡臺高片石留菱花如水月光浮神仙自有
還童術萬古何曾照白頭

徐仙岩

一丸丹熟去朝元千載岩頭骨尚存莫謂昇真
非拔宅重來今日有雲孫

金鷄洞

天半金鷄洞杳冥千季咿喔不曾停恠來祇報

仙家曉多少人間夢未醒

仙掌峰

青葱十指插天開掌上分明玉露來
恠殺武皇求不到漢宮空築集靈臺

桃源洞

武夷深似武陵家疊嶂千重曲徑斜
到此自應迷去路不須多種碧桃花

鼓子峰

宴罷曾孫散彩虹鳳笙龍管杳無蹤
一時徹盡

仙家樂畱得前溪鼓子峰

晚過田家

幾樹桑麻數畝園雲邊鷄犬夕陽村
山翁賽社歸來晚錯喚隣家竹裏門

贈廖道人

蓬頭對客說玄經不餌丹砂髣髴青
明滅石燈松影裏霞衣宵禮一壇星

天游觀聞劉曲水羽士吹洞簫

松桂陰中月影流鐵龍一曲萬山秋
餘音帶得

蕭郎調吹動前溪玉女愁

桃花澗訪隱者呂栖谷

竹滿疎籬花滿溪半間茅屋壁新泥百季生計
漁樵裏明月孤舟雨一犁

游玄都觀

古院荒涼白日斜玄都道士已無家只今滿地
荆榛色落盡秋風野菜花

過山當庵

層巒歷盡出平蕪庵後高峰一片孤道士開門

迎客至暫拋黃紙畫靈符

宿水簾洞

絕壁宵眠夢未安
隔峰松影月光殘
簷前水落晴空雨
添得雲窗一夜寒

訪和叔羽士不遇

一去雲遊消息稀
碧窗塵滿舊霞衣
不題名姓言相訪
到處爲家未必歸

過望夫石憶內

深閨長日望刀環
誰識征人始度關
一自別來

俱有淚斷腸最是望夫山

曉發子規嶺

僕夫行露客披星斷角殘鷄馬上聽誰識朱門
貴遊子玉樓沉醉未曾醒

望香爐山

百尺爐峰夕照邊千重翠色馬蹄前隔林野燒
風吹起燃出青青一縷煙

釣臺謁嚴先生祠

不拜中興漢室官恩波猶得到空灘世間多少

披裘客寂寞終身把釣竿

客舍聞隣人彈絲

明月依微上小樓南隣按曲北隣愁縱然不作
思歸引孤客聞聲也淚流

春日雜興

燕泥時污碧窗紗蒲架香生二月花洗淨瓦鐺
新浸水客來同試雨前茶

長日幽齋事事無枝頭頻聽鳥相呼興來戲墨
生綃上幻出瀟湘夜雨圖

翩翩蝴蝶過隣家
童子堦前掃落花
沉水香銷新睡覺
開窗隨意讀南華

野人何事日歡娛
身值明時疾病無
官長近時寬稅額
打門無吏橫催租

跣趺長對佛前燈
夜靜禪心水月澄
一自皈依清淨域
在家還似出家僧

石鼎香收栢子焚
疎松高影掛斜曛
武夷道士傳書至
一片封題一片雲

塞上聞笛

連天烽火照高樓
羌笛聲聲怨隴頭
一曲梅花兩行淚
月中齊落古幽州

懷黃道元

與君相見杳難期
芳草王孫怨別離
猶憶酒船風雪夜
百花洲上看吳姬

山居雜述

春眠襖被擁香溫
花氣當簾瑣夢魂
來客慣知慵懶性
日高三丈始敲門

夜靜空堦坐晚風
螢光點點過墻東
少時好弄

心猶在更覓輕羅出竹叢

畫債詩通苦應酬更無心事問冥條自知筆硯
緣難斷清事應勞到白頭

手翻千卷架頭書自笑真同懶祭魚讀罷依然
編甲乙更無殘帙亂山居

夜窗覓句寫閒心更出花堦緩步尋只爲篇中
窮一字月斜支枕尚沉吟

上下詞人幾百季研硃隨意選詩篇騷壇莫道
無三尺彤管能操五字權

秋風先報菊花時黃滿堦除白滿籬二徑品題
誰第一就中惟愛醉西施

最愛堦前一片苔西風黃葉亂飛來却嫌點破
重重綠竹帚親持日掃開

小房高瞰竹青青紙帳匡牀對石屏一切陳編
都罷覽獨畱香譜與茶經

脩篁瑟瑟盡凌霄重土輕移緩水澆種法昔傳
安竹醉今逢五月十三朝

一夜輕寒到竹扉風吹微霰滿林飛禦寒不用

編表着新製僧家百納衣

荔枝雜咏四十首

江家綠

芳樹離離偏海涯
出來香味壓三巴
火雲映出玻璃綠
舊說閩中第一家

綠核

滿林丹實夏煌煌
一道炎風冽燧光
壯士緋袍都解却
碧苔齊臥綠沉鎗

葡萄穗

絕艷濃香滿路飛
玉膚輕襯紫羅衣
若逢漢代乘槎使
不帶涼州馬乳歸

雙髻

千季枝上竝頭春
斜結香雲縷縷新
相倚明粧誰得似
黃陵廟裏兩夫人

真珠

孕出靈胎個個圓
林中遙見夜光懸
一枝臨水低相向
不異鮫人泣月年

十八娘

先朝舊事說閩王公主曾稱十八娘千載芳魂
應化碧佳名猶自寄紅香

釵頭

雙雙珠顆錦如霞斜插金釵貼髮鴉一種人間
可憐色六宮羞殺步搖花

將軍

林外森森翠幄高軍中不用醉葡萄只今十里
雲如錦疑是當年舊戰袍

粉紅

深紅輕膩壓枝斜貌比桃花更染霞一自承恩
天寶後溫泉宮裏洗鉛華

綠羅袍

輕盈初試越羅新不染人間紫陌塵百萬紅粧
爭結綺隔牆遙看綠衣人

勝靄

紫膜紅繒白玉膚爭誇絳雪出仙都生來自有
天然色却笑崇龜浪寫圖

桂林

樹色由來類桂叢扶疎翠葉自芄芄月光夜照
花如霞疑是天香落鏡中

白蜜

誰遣餘香沁齒牙美人纖手剖輕霞天生甘味
如苹實不待遊蜂釀百花

蒲林香

十里重林錦繡堆更無驛使惹塵埃微風暗度
幽香異韓壽才過荀令來

七夕紅

滿樹渾疑大火流尚餘丹實報新秋繁星遙與
雙星映半在佳人乞巧樓

雞引子

曾食淮王九轉丹幻成仙果赤團團寄言山鳥
休輕啄畱取猩紅頂上冠

火山

迴望蒼梧是故鄉紫綃輕颺麥風涼生來自信
紅顏薄敢向朱明鬪艷粧

天柱

天柱巍巍出半空折來猶自綠成叢南風吹動
枝頭火還似當年戰祝融

大小江綠

風捲香塵滿路飛絳綃新楊綠羅衣天生麗質
誰堪竝婉孌江濱大小妃

宋家香

綠鬟如雲面似霞冰肌何用鬪鉛華隔牆一道
薰風煖吹得餘香過宋家

進貢子

丹荔何辜貢七閩宣和中使往來頻玉環只識
涪江種空走驪山一騎塵

延壽紅

九轉丹砂貯絳囊剖開甘液勝瓊漿由來此物
能延壽恨殺唐羌誤漢皇

百步香

紫翠陰森映夕陽遙看一片錦雲鄉美人羅襪
凌波過踏碎紅塵滿路香

狀元紅

滿樹渾疑大火流尚餘丹實報新秋繁星遙與
雙星映半在佳人乞巧樓

雞引子

曾食淮王九轉丹幻成仙果赤團團寄言山鳥
休輕啄畱取猩紅頂上冠

火山

迴望蒼梧是故鄉紫綃輕颺麥風涼生來自信
紅顏薄敢向朱明鬪艷粧

天柱

素質朱顏太絕倫
風流先占曲江春
只因賜得宮中錦
爭看瓊林第一人

星球

不待宮娃羯鼓催
半空誰滾火星來
山禽誤踏雲中墜
豈是三郎蹴鞠回

金鐘

不見蒲牢伏上林
紅爐烈火鑄黃金
南風吹入蕭蕭葉
如聽鈞天大呂音

綠紗

苧羅溪水綠如油
浣出輕紗翠欲流
何代美人工翦綵
結成佳果綴枝頭

麝囊紅

累累丹實似星懸
萬綠陰中赤欲然
日午餘芬生鼻觀
不緣林下麝香眠

中秋綠

金風玉露仲秋時
碩果枝頭落較遲
明月一輪流翠影
青銅高照碧琉璃

松紅

莫以松枝比荔枝翠濤聲裏露胭脂忽看琥珀
生連理不待千尋長兔絲

丁香

紅粉佳人獨倚樓雨中丹實滿枝頭荔香元與
丁香異只結團圓不結愁

郎官紅

甘液醲香似醪醴傳來佳種近楓亭誰將天上
郎官宿散作林中萬點星

勝江陳

紫說陳家綠說江香名千載本無雙只今別有
酣紅色鼎足三分未肯降

紅繡鞋

一片紅香落翠苔美人林下踏青回當春若使
潘妃見貼地蓮花不敢開

綠珠

山禽相戲踏枝翻錯落真珠綠滿園臥地殘香
吹不起月明如照墜樓魂

洞中紅

烏石山前暮雨涼
幾番風起散餘香
洞中六月紅如錦
不但桃花誤阮郎

冰團

六月閩天見鬱蒸
忽驚寒氣座間凝
水晶盤貯深紅色
白玉壺中映絳冰

何家紅

炎夏深林雨氣收
胭脂片片落梢頭
何郎粉向朱衣拭
滿面桃花汗欲流

鵲卵

月明銀漢鵲驚枝風動寒巢欲半欹吹落人間
完似卵冰盤高壘不愁危

勝江萍

纍纍枝上火雲燒甘液真同絳雪消一片紅光
如日赤兒童空有楚江謠

涼州詞

隴水秋風胡鴈鳴戍燧殘羌笛動邊聲朔雲萬里
無青草惟見黃沙接渭城

雪消城窟水潺潺月照黃榆飲馬還烽火臺前

聞曉角思鄉南望漢陽山

題薛素畫蘭

青樓彤管寫三湘
幻出幽蘭壓衆芳
只爲含毫出檀口
墨痕猶帶唾痕香

題朱竹

火樹光搖玉一竿
赤瓊東海夜生寒
帝妃泣斷湘江月
猶染枝頭血未乾

送鄭君大出葬曰雲庄

畫瑟高懸引玉棺
蒲城行哭白衣冠
數聲薤露

歌殘後落盡松楸夜月寒
四野悲風動素旂千秋俠骨掩泉扉墓門送客
車千乘誰信生前是布衣

宿水明樓聞溪聲

門前十里小溪迴風送寒聲響似雷詩興催人
眠未穩不妨長到枕邊來

題伯孺所居池邊粉壁

一丘栖隱臥煙霞半畝芳塘種藕花長日養鵝
兼洗硯客來疑是右軍家

題宋宮扇

皎潔冰紈影動，揜合歡，猶自憶前朝。只因誤撲
雙飛蝶，金粉香痕，未肯銷。

一片輕羅小小，裁內家常對，月中關。不知如水
天街夜，曾撲流螢幾個來。

艮岳灰殘，故殿非齊，紈猶剩舊光輝。裁縫只管
遮餘笑，不障胡塵滿面飛。

白團小扇，纖縑細，誰寫荷花十里香粧點。湖山
風景好，引將胡馬渡錢塘。

別水明樓呈二孺

歸去惟須兩度潮
何因畱戀復明朝
只緣愛聽溪聲好
又向山樓宿一宵

題畫美人

羅敷

邯鄲少女字羅敷
一曲箏彈自有夫
寄語使君休借問
懷金曾笑魯秋胡

木蘭

絕塞風沙十二季
紅顏凋盡鐵衣穿
從戎不減

和戎昔只少琵琶馬上傳

魚玄機

霞帔雲衣蓮葉冠有時持呪下瑤壇手中玉軸
三千卷不寫春情寄子安

西施

不向江邊獨浣紗朱顏承寵事夫差東窗醉起
嬌無力舞破吳城十萬家

貴妃

傾城姿色屬三郎宿酒厭厭春晝長渾似海棠

花未醒不聞鼙鼓動漁陽

馮少憐

承恩充選代王前猶憶齊宮昔日憐
新寵舊歡難忘却斷腸都寄四條絃

弄玉

蕭史乘雲去不回吹簫空自下秦臺
宮商獨奏聲淒楚疑有翩翩彩鳳來

蘇小小

與郎曾結雨心同艷骨空埋松栢中
惟有錢唐

潮似馬往來猶訝跨青驄

薛濤

樓臺萬里錦江西金粉花箋手自題一片孤魂
愁夜永春風零落浣花溪

霍小玉

紅粉青娥獨愛才多情長望十郎來妾身不惜
爲郎死惟有芳心未肯灰

崔鶯鶯

爲雨爲雲竟負期容光消瘦幾人知可憐曉寺

鐘聲動腸斷元郎絕詞

步非煙

閒寫泥金小鳳箋
冬缸秋帳恨綿綿
一杯寒水香魂絕
良夜空庭月半天

李易安

獨掩深閨恨轉生
新詞脈脈托春情
蛾眉不許張郎掃
妬殺文君嫁馬卿

朱淑真

長日春山蹙黛眉
人間傳得斷腸詩
卽今杜宇

猶啼月稍似西樓哀怨時

聽宋仁者彈琴

千金枯木百金脩琴德如君是最優
抱向西窗梧影下一聲腸斷似悲秋

爲曹能始悼園中雙鶴

一別東山歲月深歸來失却九臯禽
花間清露松間月誰向堦前伴獨吟

相鶴當忝著鶴經今朝瘞鶴勒新銘
客來籬外尋行跡拾得如霜舊隴翎

蜀竹枝詞

巫峽之水巫峽流瞿塘女兒瞿塘舟低聲唱出
巴人曲喚起江南江北愁